

范石湖詩集注

范石湖詩集注卷下

吳 沈欽韓 文起

卷二十三

甲辰人日病中吟六言六首以自嘲

我亦自厭餘生 東坡移常州居住謝表中語

筆牀久已均伏藥鼎何時巧間 均伏巧間亦宋時仕途

中語

上元紀吳中節物俳諧體三十二韻

桑蠶春繭勸 開元天寶遺事都中每至正月十五日造

麴繭以官位帖子卜官位高下或賭筵宴以爲戲笑

戲書二首

恐有黃龍浴水醫

此蝨瘕事酉陽雜俎云小說載賈魏

公鎮滑臺日州民病此魏公云世間無藥可療惟千年
木梳燒灰及黃龍浴水可治太平廣記會昌解頤賈耽
相公鎮滑臺日有部民家富於財而父偶得疾身體漸
瘦糜粥不通日飲鮮血半升而已其父語子曰吾之疾
是必死之徵今頗煩躁爾可載吾城外有山水處置之
三日一來省吾如死則葬之於彼其子不得已載去得

一磐石近池置之悲泣而歸其父忽見一黃犬來池中
出沒數四狀如沐浴旣去其水卽香叟渴欲飲而氣喘
力微乃肘行而前旣飲則覺四體稍輕飲之不已卽能
坐子驚喜乃復載歸家則能飲食不旬日而愈此卽賈
帥所云黃龍浴水者也

羣兒欺老少陵窮杜詩茅屋爲秋風所破歎南邨羣童
欺我老無力忍能對面爲盜賊公然抱茅入竹去脣焦
口燥呼不得

古來惟有一高其史記趙世家趙襄子被圍晉陽惟高

其不失臣禮然諸子書皆作高赫呂覽作高敕

占星者謂命宮月孛獨行無害但去年復照作災今年正月一日已出而歲星作福戲書二絕

官爵從渠奉董秦 李忠臣傳本姓董名秦盧仝月蝕詩
歲星主福德官爵奉董秦

題藥方

巢源王訣奈君何 巢元方病源王叔和脈訣也

園丁折花七品各賦一絕 歐陽修牡丹記洛陽人至牡丹則不名直曰花其意謂天下真花獨牡丹其名之著

不假曰牡丹而可知

壽安紅深色粉紅多葉易種且耐久 牡丹記細葉麤葉
壽安者皆千葉肉紅花出壽安縣錦屏山中細葉者尤
佳

苦雨五首

兒孫汨汰護岸 汰同澣字林滑也集韵汰過也

謝龔養正送蘄竹杖 宋詩紀事龔頤正字養正嘉泰中
國史院檢討官著芥隱筆記

寄題祝郢州白雪樓 一統志白雪樓在安陸府城西宋

謝謬有記圖經云子城三面墉基皆天造正西絕壁下
臨漢江白雪樓在其上

積雨作寒五首

兀坐鼻端正白 楞嚴經孫陀羅難陀白佛言世尊教我
及俱絺羅觀鼻端正白我初諦觀經三七日見鼻中氣出
入如煙身心內明煙相漸消鼻息成白

卷二十四

題請息齋六言十首

瓜中且免蠅來 見舊唐書武儒衡侍

屋上何煩譽烏 說苑太公謂武王曰愛人者愛及其屋

上之烏杜詩大人屋上烏人好烏亦好

笑中恐有義甫 甫字誤當作府唐書李義府傳人謂其

笑中有刀

泣裏難防叔魚 左傳昭十三年叔魚見季孫且泣杜預

曰泣以信其言

見影蛾猶鈇鈇 鈇戈柄通爲眡廣雅眡視也集韻眡蒲

八切一曰惡視

知我角出車輪 車輪角出古語也郭茂倩樂府張祐讀

曲歌看渠駕去車定是無四角

恐汝見溼灰焉 列子黃帝篇巫季咸見列子曰子之先
生死矣吾見溼灰焉

笑倩顛當守門 陸佃埤雅諺曰顛當顛當牢閉門螭螭
寇汝無處奔鬼谷子注舛母螭螭也似蛛蜘蛛在穴中有
蓋劉崇遠金華子云長安間里中小兒常以織草刺地
穴間共邀勝負以手撫地曰顛當出來

空室團樂話頭 龐蘊居士偈男大不須婚女大不須嫁
大家團樂頭盡說無生話見傳燈錄

富順楊商卿使君曷與余相別于瀘之合江 一統志合
江縣在瀘州東一百二十里大江入州境三十里至州
東北合沱江名曰合江又六十里入合江縣界

久病或勸勉強游適吟四絕答之

歡棕丁尾龜毛 莊子天下篇惠施言丁子有尾楞嚴經
塵非常住若變滅時此心則同龜毛兔角則汝法身同
于斷滅

藻姪比課五言詩已有意趣老懷甚喜因吟病中十二首
示之可率昆季賡和勝終日飽閒也

畏壘二句

畏壘見莊子庚桑楚篇支離疏見人間世篇

初鹿紛紜夢

初當作伋俗作認

歡惊隔笑鹽

鹽與豔同此誤用文苑英華辨證引容齋

隨筆云玄怪錄載籛條三娘工唱阿誰鹽又有突厥鹽

黃帝鹽白鴿鹽神雀鹽疏勒鹽滿座鹽歸國鹽唐詩媚

賴吳娘唱是鹽更奏新聲刮骨鹽然則歌詩謂之鹽者

如吟行曲引之類今南嶽廟獻神樂曲有黃帝鹽而俗

傳以爲黃帝炎長沙志從而書之不老也欽韓按宋書

樂志魏武帝碣石篇明帝夏門篇皆有艷而明帝權歌

又有趨艷與趨所謂引子尾聲者類是也志云漢吹鏡歌十八篇按古今樂錄皆聲辭艷相雜不可復分鹽乃艷之誤古鹽艷亦相通郊特牲而鹽諸利鄭讀鹽爲艷阿鵲鹽之類皆當作去聲讀唐人用作平聲非是

白髮行

煩攔包裹夜不眠 煩攔見詩葛覃鄭箋以手撻莎之也但能之提刑相別十年自曲江遠寄二詩 此曲江指韶州

題徐熙風牡丹二首 名畫評徐熙鍾陵人仕僞唐爲江

南名族善畫花竹林木蟬蛭草蟲之類多游園圃以求
情狀米芾畫史徐熙風牡丹圖葉幾千餘片花只三朵
一在正面一在右一在叢枝亂葉之背

題黃居采雀竹圖二首 圖畫見聞志黃居采字伯鸞
之季子工畫花竹翎毛默契天真冥周物理

題張晞顏兩花圖二首 鄧椿畫繼張希顏漢州人初名
適累進所畫花得旨粗似可觀特補將仕郎畫學諭希
顏始師趙昌後到京師稍變從院體得蜀州推官以歸
題范道士二牛圖原注自稱中興道士范子珉 按樓鑰

攻媿集道士范子珉中興異人也

卷二十五

煙江疊嶂

直須具眼老香山來爲平章作新記 白氏長慶集有太

湖石記爲宰相牛僧孺作

天柱峰

天柱峰英石也 名勝志英山在韶州府英德縣東二十

五里上產奇石峰巒聳翠巖竇分明無斧鑿痕鏗然作

金石聲按寰宇記僞漢乾和五年于廣州湏陽縣置英

州一統志明洪武初降爲縣屬韶州府

元日

與時消息評新藥 易

若節春秋憶舊詩 左傳管仲語

去年多雪苦寒梅花遂晚元夕猶未盛開

只管苦吟三尺雪 李太白集自注云梁園三尺雪在清

冷池作

題趙昌木瓜花 名畫評趙昌劔南人善畫花果初師滕
昌祐後過其藝江少虞類苑趙昌每晨朝露下時遶闌

檻諦玩手調彩色寫之自號寫生趙昌

題易元吉獐猿兩圖二首 圖畫見聞志易元吉字慶之
長沙人始以花果專門及見趙昌之迹乃歎服焉遂寫
獐猿嘗游荆湖八萬守山百餘里以覘猿狖獐鹿之屬
逮諸林石景物一一心傳足記得天性野逸之姿

請息齋書事三首

冰山側畔紅塵漲 開元天寶遺事楊氏子弟每至伏中
取大冰使匠琢爲山周圍於宴席間坐客雖酒酣而各
有寒色又云楊國忠權傾天下四方之士爭詣其門進

士張彖曰汝輩以爲楊公之勢倚靠如泰山以吾所見
乃冰山也當皎日大明之際此山當誤人耳

刻木牽絲罷戲場

楊太真外傳上棲檣不已但吟刻木牽絲作

老翁雞皮鶴髮與真同須臾舞罷寂無事還似人生一世中

門雖有雀尙廷尉

史記翟公事

虎中宣力任爲偃

廣異記世人云爲虎所食其鬼爲偃

乞兒爭背向寒灰

開元天寶遺事張九齡見朝士趨附

楊國忠爭求富貴九齡與識者議曰今時朝彥皆是向
火乞兒一旦火盡灰冷煖氣何在凍屍裂體禍不遠矣

書懷二絕再送文季高兼呈新師閻才元侍郎 宋詩紀

事閻蒼舒字才元

家人子輩往石湖檢校暮歸

兒修雞柵了 杜詩有催宗文樹雞柵作宗文杜之長男

小名驥子者也

女挈菜籃歸 傳燈錄趙州和尚訪龐公公女靈照挈菜

籃便歸

老陳道人自云夢被召作地上主者 魏夫人傳尸解白
日爲上夜半解者爲下向晚向暮去者爲地下主者此

得道之差降也地下主者乃下道之文官地下鬼帥乃
下道之武官文解一百四十年一進武解倍之

題張戡蕃馬射獵圖 圖畫見聞志張戡瓦橋人畫蕃馬

居近燕山得胡人形骨之妙盡戎衣鞍勒之精

太乙靈旗方北指 見封禪書

郎主猶判何況汝 詳卷十太師陳文恭挽詞注

留簡伯俊

相從共茵憑 酷吏傳汲黯司馬安與甯成同車未嘗敢

均茵馮

無力相引繩

漢書竇嬰傳

問疾訪姜肱

後漢書姜肱傳

卷二十六

吳歛一首送丘宗卿自平江移會稽

宋史丘密傳字宗

卿江陰軍人隆興元年進上丞相虞允文首薦密除直
秘閣知平江府召除戶部郎中予祠起知鄂州進直徽
猷閣知平江府升龍圖閣移帥紹興府詩中所云再騎
竹馬蓋宗卿兩莅平江也

丙午新正書懷十首

范主下

十

百年甘守甲辰雌

盧氏雜說裴晉公度在相位日有人

寄槐瘿一枚欲削爲枕時郎中庾威世稱博物召請別
之庾捧玩良久曰此槐瘿是雌樹生者恐不堪用裴曰
郎中甲子多少庾曰某與令公同是甲辰生公笑曰郎
中便是雌甲辰

一任平章濟叔癡

晉書王湛傳

身能幾屐莫言錢

晉書阮孚傳

掃除一室空諸有

釋氏稽古略襄州居士龐蘊將入滅

州公于頤來問士謂之曰但願空諸所有慎勿實諸所

無好住世間皆如影響

異時書判指如籤 韓集十指如排籤

烏欖雞欖嘗老酒

桂海虞衡志烏欖如橄欖青黑色肉

爛而甘政和本草圖經云欖榔有三四種小而味甘者
名山欖榔大而味澁核亦大者名豬欖榔最小者名蒟
子又云尖長而有紫文者名欖圓而矮者名榔欖力小
榔力大今醫家不復細分但取作雞心狀破之作錦文
者爲佳

丙午新年六十一歲俗謂之元命作詩自貶

鯢淵方止水

列子黃帝篇鯢旋之潘爲淵止水之潘爲

淵潘音盤

波匿觀河見

見疑面之訛波斯匿王觀河面鑑見楞嚴

經

立春大雪招親友共春盤坐上作

韭黃鸛金釵

集韻絕字或從鰾

化兒任惡劇

化兒唐書杜審言傳所云造化小兒也

嚴子文以春雪數作用爲瑞不宜多爲韻賦詩見寄次韻
笙歌煖寒食
開元天寶遺事云巨豪王元寶每至冬月

大雪之際合僕夫自本家坊巷口掃雪爲逕路躬親立
於坊巷前迎揖賓客就本家具酒炙宴樂爲煖寒之會
山左已驅癘 韓集柳州羅池廟碑驅癘鬼兮山之左
次韵嚴子文見寄

雷電已將金薤取 用韓昌黎調張籍詩

寄題郛縣遠仙觀四楠

沈犀浦上舊仙蹤 元豐九域志熙甯中以犀浦縣省入
郛縣老學庵筆記沈犀國甯觀有古楠四皆千歲木也
陰之所庇車且百兩有石刻立廡下云是仙人籙君手

植

春來風雨無一日好晴因賦瓶花二絕

疋似東風本不來 疋當作匹匹如俗語白樂天集屢用之

寄題莫氏椿桂堂原注莫氏五子皆登科居崇德縣名勝志嘉興府崇德縣本唐義和鎮五代時錢元璵鎮吳中請析嘉興之崇德鄉爲縣治義和而以鄉名縣一統志康熙元年改爲石門縣輿地紀勝五桂坊在崇德縣莫琮有五子俱登儒科邑宰爲立五桂坊周必大書謝

謬爲記

送王仲顯赴瓊筦

電光射牛書過目

晉書王戎傳

次韵李子永見訪二首

千劫漫吹砂

楞嚴經若不斷淫修禪定者如蒸砂石欲

其成飯經千百劫祇名熱砂

秋蚊喙吐花

羅願爾雅翼蚊秋後吻輒破不能螫或云

更慘於未破時今驗之羅後說是也詩謂吐花卽是破

吻

卷二十七

四時田園雜興六十首

滿窗晴日看蠶生 農桑輯要蠶初生用荻埽則傷蠶博
聞錄用地桑葉細切如絲髮摻淨紙上却以蠶種覆於
上其子聞香自下切不可驚翮掃撥

鄰家鞭筍過牆來 齊民要術竹性愛向西南引諺云東
家種竹西家治地爲滋蔓而來生也

旗亭官酒更多灰 宋史食貨志宋榷酤之法城內皆置
務釀酒縣鎮鄉間或許民釀而定其歲課官酤醞齊不

良酒多醨薄

移繫門西碌礪邊 笠澤叢書耒耜經云肥與礪礪皆有

齒礪礪杷梭而已咸以木爲之按今以石爲之

吉日初開種稻包 齊民要術水稻法淨淘種子浮者去

之秋則生稗漬經三宿漚出納草簾裏之復經三宿芽

生長二分一畝三升擲

獨自編闌鴨陣歸 編闌猶趕緯

綿繭無多絲繭多 按士農必用蠶絲卽是綿繭謂之囊

頭

慈慈鼠耳翠成雙

淮南子槐之生入季春五日而兔目

十日而鼠耳更旬而始規

朱門巧夕沸歡聲

巧夕宋詩鈔作乞巧

不惜兩鍾輸一斛

山堂考索淳熙六年漕臣條具州縣

取民色目曰二稅就州輸納創爲色目既倍收合耗重
價折科又刷其合零就整一寸納一尺一合納一升謂
之畸零錢容齊隨筆今時每當輸一石而義倉省耗別
爲一斗二升官倉明言十加六復於其間用米之精麤
爲說分若干甲有至七八甲者則數外之取亦如之庾

人執槩從而輕重其手度二石二三斗乃可給至于水
脚頭子市例之類其名不一合爲七八百錢以中價計
之并僦船負擔又須五斗殆是一而取三以予所見惟
會稽爲輕視前所云不能一半也

乾高寅缺築牛宮 笠澤叢書祝牛宮辭云冬十月耕牛
爲寒築宮納而阜之

明年添種越城東 吳縣志越城在胥門外越伐吳吳主
在姑蘇越築此城以逼之城堞仿佛具在高者猶丈餘
煮酒春前臘後蒸 宋史食貨志臘釀蒸煮候夏而出謂

之火酒

黃紙蠲租白紙催黃紙詔書也白紙官符也

舫齋信筆

三昧未得力十魔方現前三藏法數云梵語三昧華言
正定十魔梵語具足魔羅華言能奪命一蘊魔謂色受
想行識五蘊爲魔也二煩惱魔謂一切煩惱之惑爲魔
也三業魔謂一切惡業爲魔四心魔謂一切戲慢之心
爲魔五死魔謂人命終爲魔六天魔謂欲界第六他化
自在爲魔也七善根魔謂著所修一切善法爲魔也八

三昧魔謂著于所得禪定爲魔也九善知識魔謂怪吝于法而爲魔十菩提法智魔梵語菩提華言道謂著一切法而爲魔也

蘭門初泛二十四韻

生涯都塌颯 塌字誤南史鄭鮮之傳范泰謂鮮之曰卿今日荅颯去人甚遠何不肖之甚

戲詠絮帽原注簡伯俊傳此樣睡中甚禦寒氣 宋史王雲傳或發雲笥得烏絕短巾蓋雲夙有風眩疾寢則以護首者民則益信其爲姦譟而殺之蓋此本出胡地說

文月蠻夷頭衣也

卷二十八

送聞人伯卿赴銅陵
銅陵縣屬池州府

重送伯卿

已僵員嶠蠶
員嶠有冰蠶

那問紇千雀
唐書紇千山頭凍死雀何不飛去生處樂

一統志紇真山一名紇千山在大同府東五十里紇真

猶漢言千里其山冬夏積雪

經誼金華省
漢書叙傳

文采石渠閣

漢書宣帝紀

得喪兩蝸角

莊子田子方

惜哉小舉袖

漢書景十三王傳長沙王傳注定王但張

襄舉手曰臣國小地狹不足迴旋

負此不龜藥

莊子逍遙遊宋人有能爲不龜手之藥者

客問之請買其方百金郭象注其藥能令手不拘坼故

常漂絮於水中

送壽老往雲間行化

天平船子過華亭

釋氏稽古略華亭朱涇船子和尙名

德誠得法藥山至華亭泛小舟隨緣度日人莫知其高
行因號船子和尚

次韻知府王仲行尚書鹿鳴燕古風 宋史王希呂字仲
行宿州人渡江居嘉興乾道五年登進士累除中書舍
人給事中轉吏部尚書

副墨到衡宇

莊子大宗師問諸副墨之子

正賴廣微補

東哲字廣微補亡詩六首見文選

苦寒六言

春後一寒如此

史記范雎傳

仲行再示新句復次韻述懷

祖意慵參老趙州

傳燈錄僧問趙州如何是祖師西來

意曰庭前柏子樹稽古畧趙州禪師名從諗參南泉願

禪師泉器之久之眾請住趙州觀音院壽一百二十歲

乾甯四年十一月二日卧右脅而寂

技拙甘同楚國優

說苑指武篇楚劔利倡優拙

睡起

瓊根香軟飯流匙

尉遲樞南楚新聞薛昭緯經巢賊之

亂流離道途往來絕糧遇一舊識銀工邀昭緯飲食甚

豐作詩謝之云一櫟癰癰羊數十根誤十字破盤中更有

紅鱗早知文字多辛苦悔不當初學冶銀按亦見撫言
或勸病中不宜數親文墨醫亦歸咎題四絕以自戒末篇
又以解嘲

葵熱休吹冷齋 楚詞懲于葵而吹齋

秋雷歎

訟風未慙復占雷 慙當作慙杜預注慙缺也

用漢中帥閭才元侍郎韻送樊子南西歸兼呈侍郎

向來科第直溷子 顏魯公集元結碑云天寶十二載舉

進士禮部侍郎陽浚見其文曰一第恩元子耳有司得人是賴

重九日行營壽藏之地

縱有千年鐵門限 尚書故實僧智永人來覓書所居戶限爲穿穴乃用鐵葉裹之謂爲鐵門限

終須一箇土饅頭 續仙傳賣藥翁提一大葫蘆賣藥曰有錢不買藥喫盡作土饅頭去

三輪世界猶灰劫 金光明經文句一身輪亦名神通輪 謂佛說法必先現神通警動眾生二口輪亦名正教輪

三意輪亦名記心輪謂佛說法先鑑知眾生根器利鈍
隨宜演說然此則似謂持世四輪華嚴經云三千大千
世界依于水輪風輪空輪不言金輪者文畧也詩蓋據
華嚴義故云三輪耳

四大形骸強首丘 四大者地水火風三藏法數云因對
色香味觸四微故稱爲四大也

得壽藏於先隴之傍俯酬素願感慨交懷

亢宗雖愧鎮公子 左傳亡曹國社稷之鎮公子

京兆漢阡賢問望 漢書原陟傳

邢山鄭家儉規模 晉書杜預傳預爲遺令曰吾往爲臺
卽嘗以公事使過密縣之邢山山上有冢問耕夫云是
鄭大夫祭冢或云子產之冢也厯千載無毀儉之致
也

不學邠卿畫古圖 後漢書趙岐傳岐字邠卿先自爲壽
藏圖季札子產晏嬰叔向四家

送蘇秀才歸永嘉

他年拔宅上升後休道使親忘我難 用蘇耽仙去事以
規其棄晨昏共養

題米元暉吳興山水橫卷

道場山麓接何山 名勝志道場山在湖州府歸安縣南
八里禪宗正脉云如訥禪師證道于此故名其北麓曰
何山

圍田歎四絕 宋史食貨志紹興五年江東帥臣李光言
本朝慶厯嘉祐間始有盜湖爲田者其禁甚嚴政和以
來創爲應奉始廢湖爲田于是明越兩州歲被水旱之
患其會稽之鑑湖鄞之廣德湖蕭山之湘湖等處望詔
漕臣盡廢之其江東西圩田蘇秀圍田令監司守令條

上其後議者雖稱合廢竟仍其舊隆興二年詔江浙水利久不講修勢家圍田堙塞流水諸州守臣按視以聞淳熙十一年立石凡官民圍裹者盡開之又令知縣並以點檢圍田事入銜每歲三四月同尉檢有無姦民圍裹狀上于州州聞於朝此詩蓋在淳熙末年作雖經立石有司視爲具文其害未除

安得能言兩黃鵠爲君重唱復陂瑤
漢書翟方進傳反
乎復陂當復誰其云者兩黃鵠

素羹

合和二物歸藜糝

說苑雜言孔子困于陳蔡之間藜羹

不糝

新法儂家骨董羹

李薦仇池筆記羅浮潁老取凡飲食

襍烹之名骨董羹

偶書

此卷引南史齊書

書至五千空挂腹

盧仝飲茶歌撐腸挂腹文字五千卷

錢非十萬不通神

張固幽間鼓吹張延賞判度支知有

一大獄頗有冤濫卽召獄吏嚴誡之曰此獄已久旬日

須了明旦視事案上有一小帖子曰錢三萬乞不問此

獄公大怒更促之明日帖子復來曰錢五萬貫公益怒
明日復見帖子曰錢十萬貫公曰錢至十萬可通神矣
無不可回之事吾懼及禍不得止

太上皇帝靈駕發引輓歌詞六首 此高宗也續通鑑孝
宗淳熙十四年冬十月太上皇帝崩於德壽殿

送許耀卿監丞同年赴靜江倅四絕

只今不隔同年面想見青雲異日心 王定保撫言云紫
陌尋春便隔同年之面青雲得路可知異日之心

官塗真有上竿魚 梅聖俞晚年得直史館謂其妻曰吾

之修史可謂鮎魚上竹竿矣

卷二十九

次韻虞子建見哈賸帶作醮

台架塵侵毬路暗花書墨漬笏頭斑
歸田錄方團毬路以賜兩府御仙花以賜學士以上今俗謂毬路爲笏頭
御仙花爲荔支皆失其本號也宋史輿服志帶有金毬
路荔支師蠻海捷寶藏等惟毬路方團勝餘悉方勝端
拱中詔作瑞草地球路文方團勝帶副以金魚賜中書
樞密院文臣又張耆兼侍中曰特賜笏頭金帶按石涉

曾爲宰執故有此帶其節度使非曾任宰執者卽御仙
花不得用球文其制球文者四方五團御仙花者排方
葉夢得石林燕語宋次道記金帶曾經賜者皆許繫宰
相罷免雖散官竝依舊服笏帶近歲前執政官到闕止
繫遇仙花帶從官非見帶學士亦不敢繫

顏橋道中

在楓橋鎮東北蘇州府志在獅山西

宿妙庭觀次東坡舊韻

咸淳臨安志妙庭觀在臨安府

富陽縣西十五里舊號明眞治平二年改賜今名額世
傳董雙成故宅天聖中道士朱去非發地得丹鼎按與

此詩注元祐間者不同恐詩誤蓋東坡熙寧間通判杭州

猶勝先生夢石芝 蘇集石芝引云元豐三年五月十一日夜夢遊何人家小園古井上生紫藤如龍蛇枝葉如赤箭主人言此石芝也余率爾折食一枝味如鷄蘇而甘明日作詩云云

升降三田自有丹 悟真篇太乙在爐宜慎守三田寶聚應三台玄奧集腦爲上田心爲中田氣海爲下田
桐廬江中初打槳 紀要桐江在嚴州府桐廬縣治南卽

浙江上源也經桐君山下因曰桐江

釣臺

紀要富春山在桐廬縣西三十里一名嚴陵山前

臨大江人號嚴陵灘有東西二釣臺各高數百丈

臥病豈登江上臺 豈字誤本詩作起

石榴

三彭跡如埽

宣室志僧契虛拜眞君召契虛上訊曰爾

絕三彭之仇乎不能對契虛問釋子曰彭者三尸之姓

常居人中伺察其罪每至庚申日籍於上帝故學仙者

當先絕其三尸則神仙可致也

次韻袁起巖提刑遊金焦二山二首 袁起巖字說友宋

詩紀事建安人隆興元年進士除祕書丞歷寶文閣學士嘉泰中同知樞密院事參知政事

口吸西江話已酬 釋氏稽古畧龐居士參馬祖問曰不

與萬法爲侶者是甚麼人祖曰待汝一口吸盡西江水卽向汝道士於言下頓悟玄旨

他年擊楫誓中流 晉書祖逖傳

食蛤坐來期汗漫 盧敖見若士倦龜殼而食蛤蜊見淮

南道應訓

此句引南史王融傳

鄭少融尚書初除端殿以書見及賦詩爲賀

鄧從光範開門館 唐六典宣政殿前西廊曰月華門西
中書省省西南北街南直昭慶門出光範門按撫言新
進士過堂團司先於光範門裏東廊供帳同年於此候
宰相上堂則庶士候宰相皆在光範門也曾被識擢者
皆謝云仰在門館

當年革履舊尚書 漢書鄭崇傳

書事三絕

如許日生公事 昌黎集荅劉正夫詩曰日出事生

次韻袁起巖許浦按教水軍二絕句 紀要許浦在常熟
縣東北七十里宋時以茜涇七張七鴉白茆許浦爲崑
常間五大浦

早衰

早衰頭腦已冬烘 撫言顏標咸通中鄭熏下狀元及第
熏謂標魯公之後故擢之旣知其寒素有無名子嘲之
曰主司頭腦太冬烘錯認顏標作魯公

習問

六用都藏縮似龜 法句譬喻經佛在世時有一道人在

河邊樹下學道十二年中六根貪染曾無甯息不能入
道佛知其可度化作沙門至彼寄宿須臾月明有龜從
河中出來至樹下有水狗飢行求食便欲噉龜龜乃縮
其頭尾及四足藏於甲中遂不能噉於是沙門云吾念
世人不如此龜不知無常放恣六情外魔得便卽說偈
曰藏六如龜防意如城慧與魔戰勝則無患

一龕

一龕窄似鳥窠禪

釋氏稽古略鳥窠禪師諱道林見西

湖之北秦望山有長松枝葉繁茂盤屈如蓋遂棲止其

上故時人謂之鳥窠禪師有鵲巢於側人又曰鵲巢和
尙白舍人出刺杭州起竹閣於湖上近師之居以便朝
夕參益

卷三十

祭竈詞

古傳臘月二十四 東京夢華錄二十四日帖竈馬於竈
上以酒糟塗抹竈門謂之醉司命

口數粥行 武林舊事二十四日謂之交年作糖豆粥謂
之口數

照田蠶行

此占最吉餘難同 韓集謁衡嶽寺題門樓云手持杯琰
導我擲云此最吉餘難同

分歲詞

就中脆餠專節物 脆餠蓋卽今之澆切糖

賣癡獸詞 白獺髓石湖范參政初官其同官者聞爲吳

郡人卽云獸子後同醵會曰請獸子夷堅乙志江淮閩
浙土俗各有公諱如杭之福兒蘇之獸子常之歐爹之
類細民或相犯至於鬪擊今則吳中無此嘲而杭州獨

蒙阿猷之名

蠻觸

腹須空洞方容物

晉書周顗傳

園林

鐵硯磨成雙鬢雪

舊五代史桑維翰傳

卷三十一

有會而作

強陽氣盡冥恩怨

列子天瑞篇天地強陽氣也又何可

得而有也

杜德機深泯見聞

列子黃帝篇壺子曰是殆見我杜德

幾也

念動卽時漂鬼國

傳燈錄湖州刺史李翱問藥山如何

是黑風漂墮羅刹鬼國藥山曰李翱小子作麼生李變
色山曰卽此是黑風漂墮羅刹鬼國

題畢少董繙經圖

三朝北盟會編畢良史字少董以買

賣古器畫畫赴行在思陵方搜訪古玩恨未有辨其真
僞者得良史甚悅月給俸二百千後權知東明縣搜求
古器畫畫復載以達行在人謂之畢骨董按玉照新志

紹興庚申金虜以河南故地歸我詔以孟富文庾爲東京留守富文辟畢少董以自隨未幾虜敗盟少董身陷僞地者累年其緝經圖楊誠齋集序云紹興初陷虜境居汴閉戶著春秋正辭論語探古書有朱哲夫李願良輩執經師之好事者寫爲緝經圖宋執一卷背立且讀且指李執一卷向其師若有問者而少董坐一榻上後有二女奴各有所執而阿冬者坐其間少董之季子也女奴之髻者曰孫壽冠者曰馬惠惠哲夫名成願良名師魏云

再次喜雨詩韻以表隨車之應

佛螺吹梵演雲經 大雲經求雨法見法苑珠林

三次喜雨詩韻少伸嘉頌

幾負松陵耒耜經 笠澤叢書有耒耜經又皮陸有松陵

唱和集

天籟侵晨占少女 三國志管輅傳

聞有追鋒傳好語 晉書宣帝紀乘追鋒車晝夜兼行此

詩祝其促召還朝也

府公錄示和提幹喜雨之作輒次元韻

且喜水平昌谷稻 李賀集

莫教雷假介休車 酉陽襍俎李鄘守北都介休縣民送
解牒夜止晉祠宇下夜半聞人叩門云介休王整借露
靈車某日至介休收麥

雨後田舍書事再用前韻

此去汙邪又滿車 史記滑稽列傳

寄題西湖并送淨慈顯老三絕

膏肓泉石痼煙霞 新唐書隱逸傳

淨慈顯老爲衆行化且示近所寫真戲題五絕就作畫贊

剛被差充粥飯頭 五燈會元金陵保甯仁勇禪師上堂
云忽然被業風吹到江甯府無端被人上當推向十字
街頭住箇破院作粥飯主人接待南北
擔負一簋牙齒債 集韻簋才何切筍屬

鐘鳴鼓響幾時休

釋氏稽古畧託鉢因緣云雪峯義存

在德山作飯頭一日德山託鉢赴堂雪堂曰鐘未鳴鼓
未響託鉢向甚麼處去德山便歸方丈雪峯舉似巖頭
巖曰大小德山未會末後句在德山聞知令侍者喚
巖來前曰汝不肯老僧那巖密啟其意山乃休明日陞

堂果與尋常不同。歲至僧堂前，撫掌大笑曰：「且喜堂頭老漢會末後句，他後天下人不奈伊何。雖然也只得三年活。」德山後三年示寂。

一粒何曾齧破來。傳燈錄：藥山惟儼謂僧汝若歸鄉，我示汝箇休糧方子。曰：「便請師。」曰：「二時上堂，不得齧破一粒米。」

推倒禪牀并拄杖。傳燈錄：僧問夾山承和，尙有言二十
年住此山，未曾舉著宗門中事。是否？師曰：「是僧便掀倒
禪床。」

憶昔

送老齋鹽似密甜 蘇集戲子由云送老齋鹽甘似蜜

留得本來真面目 六祖提道明語

胡長文給事挽詞三首 盧熊蘇州府志胡元質字長文

長洲人紹興十八年進士第歷禮部右司給事淳熙中

爲四川制置司知成都

萬事付搜盪 莊子大宗師搜盪也者搜而後成者也釋

文崔云有所繫著也

南園醉不醒 盧志元質吳中舊居卽程公闢南園故址

既歸杜門自適奉祠逾六七年

戲題趙從善兩畫軸三首原注王正之云從善家有琵琶妓甚工病翁未得見借此畫以戲之從善名師舜各占東風挂玉釵古文苑宋玉諷賦以其翡翠之釵挂臣冠纓司馬相如美人賦玉釵挂臣冠搔頭珠重步微搖宋玉諷賦垂珠步搖來排臣戶

卷三十二

以狨坐覆蒲龕中宋史輿服志天禧元年令兩省諫舍宗室將軍以上許乘狨毛煖坐葉夢得石林燕語云

今宗室將軍之制亦不行朱或萍洲可談狨坐文臣兩
制武臣節度使以上許用每歲九月乘三月徹無定日
視宰相乘則皆乘之徹亦如之狨似大猴生川中其脊
毛最長色如黃金取而縫之數十片成一座價直錢百
千

卷三十三

次韻姜堯章雪中見贈 周密浩然齋雅談姜堯章雪中
訪范致能於石湖詩云雪砭如玉城偏師敢輕犯黃蘆
陳野鷺我自將十萬三戰渠未降北面石湖范先生霸

越手定自一笑榮致能酬之云鷺鷥聲暗雪臆豪直前
不憚夜行勞更能囊韃尊裴度千古知李愬高欽韓
按此集但有次堯章韵作而無絕句或編集時所刪也
玉龍陣長空臯比忽先犯鱗甲塞天飛戰逐三百萬
張元詩戰退玉龍三百萬敗鱗殘甲滿天飛岳珂程史
以爲金海陵煬王所作非也

當時訪戴舟却訪一寒范新詩如美人蓬華愧三榮
硯北襍志小紅順陽公青衣也有色藝順陽公之請老也
姜堯章詣之一日授簡徵新聲堯章製暗香疏影二曲

公使二妓習之音節清婉公等以小紅贈之其夕大雪
過垂虹賦詩云自作新詞韻最嬌小紅低唱我吹簫順
陽公卽范石湖

次韻徐提舉游石湖三絕

天上麒麟翰墨林 陳書徐陵傳寶誌摩其頂曰天上石

麒麟也

送文處厚歸蜀類試 朝野類要四川州軍解士只就安

撫制置使類省試畢徑赴殿試鐵圍山叢談時國步艱
難詔天下科舉分路類試選舉志建炎三年左司諫唐

燁言今諸道類試顯委憲臣

提刑轉運司也

姦弊滋生才否賢

亂士論囂然請並還禮部遂罷諸道類試四年復川陝
試如故紹興元年當祀明堂復詔諸道類試擇憲漕或
帥守中文學之人總其事使精選考官於是四川宣撫
使張浚始以便宜令川陝舉人卽置司州試之按自此
後惟四川仍類試而他路歸禮部山堂考索仁宗景祐
四年賈昌朝言舉人有親戚守官及隨行地遠並發解
官親口並令運司差官類試此類試之名所自始

門戶非君更屬誰原注處厚族弟季高客死成都制置使

京仲遠誘送其家扶護還吳慨然遠來忘其勞費
京仲遠名鏜寧宗時丞相

范石湖詩集注卷下終